



Broj: **039-0-SU-25-000-154-2**

Tešanj: 19.03.2025.godine

Na osnovu člana 100. stav 4. Zakona o javnim nabavkama („Službeni glasnik BiH broj: 39/14 i 59/22“), rješavajući po žalbi potencijalnog ponuđača „RUBIKON D.O.O. Bijeljina, ul.Petrogradska 1/17, Bijeljina, JIB: 4404805100000, koga zastupa punomoćnik Milan Milovanović, advokat iz Bijeljine ul. Gavrića Principa 11/2, podnesenoj na tendersku dokumentaciju u postupku javne nabave računarske opreme za potrebe Općinskog suda u Tešnju, objavljeno Obavještenje o nabavci broj: 23103-7-1-2-3-2/25 od 14.03.2025. godine, Predsjednica Općinskog suda u Tešnju, donosi:

## RJEŠENJE

1. Usvaja se žalba potencijalnog ponuđača RUBIKON D.O.O. Bijeljina koga zastupa punomoćnik Milan Milovanović, advokat iz Bijeljine ul. Gavrića Principa 1/2, izjavljena na tendersku dokumentaciju u postupku javne nabavke: Nabavka računarske opreme za potrebe Općinskog suda u Tešnju, Obavještenje o nabavci broj: 23103-7-1-2-3-2/25 od 14.03.2025. godine.
2. Ovim Rješenjem Ugovorni organ ispravlja i mijenja tendersku dokumentaciju broj : 039-0-SU-25-000-154-1 od 14.3.2025.godine i to Aneks 2 Obrazac za cijenu ponude (tehnička specifikacija), koja izmjena je sastavni dio ovog rješenja.
3. Ugovorni organ će o preduzetoj radnji ispravke i izmjene tenderske dokumentacije putem portala javnih nabavki obavijestiti sve potencijalne učesnike o nastavku predmetnog postupka, te će ovo Rješenje biti objavljeno i na web stranici Ugovornog organa.
4. Ovim Rješenjem se ne rješava o povratu naknade za pokretanje žalbenog postupka, ali Ugovorni organ će u roku od sedam dana od dana donošenja ovog Rješenja dostaviti KRŽ-u dokumentaciju radi pokretanja postupka povrata naknade za pokretanje žalbenog postupka.
5. Usvaja se zahtjev žalioaca za naknadu troškova žalbenog postupka na osnovu priloženog troškovnika u ukupnom iznosu od 928,12KM bez PDV-a, akoji iznos će se isplatiti na račun punomoćnika žalioaca broj: 5550000042578847 otvoren kod Nova Banka a.d. Banja Luka.

Rješenje stupa na snagu danom donošenja.

## Obrazloženje

Općinski sud u Tešnju dana 14.03.2025. godine na Portalu javnih nabavki objavio Obavještenje o nabavci broj: 23103-7-1-2-3-2/25 i tendersku dokumentaciju broj: 039-0-SU-25-000-154-1. Procijenjena vrijednost javne nabavke iznosi 25.280,00 KM bez PDV-a.

U skladu sa članom 97., 99., 101., 105, i 108, Zakona o javnim nabavkama Bosne i Hercegovine („Službeni glasnik BiH broj: 39/14 i 59/22“) žalitelj po punomoćniku Milan Milovanović advokatu iz Bijeljine ul. Gavrila Principa 11/2, blagovremeno podnosi žalbu u zakonskom roku na tendersku dokumentaciju za javnu nabavku računarske opreme broj: 039-0-SU-25-000-154-1 objavljenu na Portalu javnih nabavki dana 14.03.2025. godine, koju je objavio Ugovorni organ Općinski sud u Tešnju.

U žalbi je navedeno da je Žalitelj dana 18.03.2025. godine preuzeo tendersku dokumentaciju za predmetnu nabavku, te nakon pregledai razmatranja iste izjavljuje ovu žalbu, blagovremeno najkasnije u roku od 5 dana od dana preuzimanja tenderske dokumentacije sve prema sljedećem sadržaju žalbe, i to:

- Ugovorni organ povređuje Zakon o javnim nabavkama Bosne i Hercegovine i podzakonske akte, narušava prava ponuđača-žalitelja u predmetnoj tenderskoj dokumentaciji,
- Tenderska dokumentacija sačinjena je suprotno odredbama Zakona o javnim nabavkama Bosne i Hercegovine (član 3. i član 54. stav 9. i 10.),

da ugovorni organ u obrascu za cijenu ponude povređuje Zakon o javnim nabavkama Bosne i Hercegovine. Te u obrascu za cijenu ponude ugovorni organ traži proizvode INTEL bez dodatka ili ekvivalenta i bez ostavljanja prostora da ponuđač ponudi ekvivalent.

Smatra da je traženjem ovih proizvođača Ugovorni organ povrijedio Zakon o javnim nabavkama Bosne i Hercegovine, tačnije odredbu člana 54. stav 9. i 10. koja glasi: „Osim ako nije opravdano predmetom nabavke, u tehničkoj specifikaciji ne smije se uputiti na određenog proizvođača, na porijeklo ili na poseban postupak, na makre, patente, tipove ili određeno porijeklo, ako bi se time pogodovalo ili bi se isključili određeni privredni subjekti ili određeni proizvodi. Takve napomene su dopuštene su samo ako se predmet nabavke ne može dovoljno precizno i razumljivo opisti, ali se bez izuzetka moraju označiti sa dodatkom „ili ekvivalent“.

Dalje je navedeno da nepoznavanje predmeta nabavke ne oslobađa Ugovorni organ za definisanje predmeta nabavke na stvarno konkurentskoj osnovi, da ako se izuzetno objavi poziv za određeni proizvod sa dodatkom „ili ekvivalent“, ponuđač mora na za to predviđenim praznim mjestima, prema odgovarajućim stavkama, navesti podatke o proizvodu i tipu odgovarajućeg proizvoda koji nudi te, ako se to traži i ostale podatke koji se odnose na taj proizvod, Kriterijumi za ocjenjivanje ekvivalentnosti navode se u opisu predmeta nabavke. Ponuđač je dužan da obezbijedi dokaz ekvivalentnosti u smislu ispunjenja zahtjeva vezano za predmet nabavke u skladu sa zahtjevima definisanim u tenderskoj dokumentaciji. Proizvodi koji su u tenderskoj dokumentaciji naveden kao primjeri smatraju se ponuđenima ako ponuđač ne navede nikakve druge proizvode na predviđenom mjestu.

Povrijedivši gore navedenu odredbu da je Ugovorni organ povrijedio i odredbu člana 3. Zakona o javnim nabavkama Bosne i Hercegovine. Imajući u vidu navedenu odredbu, u konkretnom slučaju postupanje Ugovornog organa bi narušilo osnovne principe postupka javnih nabavki, a to su transparentnost, pravična i aktivna konkurencija, kao i jednako i nediskriminirajuće ponašanje prema svim kandidatima i ponuđačima u vezi sa predmetom javne nabavke i njenom svrhom.

U konkretnom slučaju nesporno je došlo do povrede Zakona, stoga je isključena „mogućnost“ da žalitelj postavlja pitanja i traži pojašnjenja na portalu, iz razloga što se na portalu postavljaju pitanja za pojašnjenja tenderske dokumentacije ali ne i traženje izmjene tenderske dokumentacije kada u Ugovorni organ povrijedi odredbe Zakona o javnim nabavkama Bosne i Hercegovine.

Slijedom prednje navedenog, žalitelj je predložio da Ugovorni organ usvoji žalbu i izmijeni tendersku dokumentaciju, a radi provođenja zakonitog postupka javne nabavke, te da žalitelju nadoknadi troškove sastava žalbe u iznos 928,12 KM bez PDV-a jer punomoćnik žalioca nije PDV obveznik, a u pogledu troškova postupka koji se odnosi na taksu na ovu žalbu da Ugovorni organ postupi u skladu sa članom 108. tačke 7. Zakona o javnim nabavkama BiH.

Odlučujući o uloženoj žalbi Ugovorni organ je utvrdio da je žalba blagovremena, dopuštena i izjavljena od ovlaštenog lica i lica koj ima aktivnu legitimaciju i da je u skladu sa članom 100. stav 4. Zakona o javnim nabavkama u cjelost osnovana jer je uvidom u objavljeni Konkurentski zahtjev za nabavku roba Računarska oprema broj: 039-0-SU-25-000-154-1 i Aneks 2 Obrazac za cijenu ponude (tehnička specifikacija) utvrđeno da je u rubrici vrsta robe navedeno tačna oznaka modela „Intel“ bez tehničkog opisa i mogućnosti nuđenja ekvivalenta, a što je u suprotnosti sa članom 54. stav 9. i 10. Zakona o javnim nabavkama BiH, zbog čega je odlučeno kao u dispozitivu rješenja te će analogno odluci iz rješenja Ugovorni organ Općinski sud u Tešnju izmjeniti tendersku dokumentaciju i Aneks 2 Obrazac za cijenu ponude (tehnička specifikacija) na portalu javnih nabavki kako slijedi:

IZMJENA TENDERSKE DOKUMENTACIJE Broj **039-0-SU-25-000-154-3** od 19.03.2025. godine

## 10. ANEKS 2

### OBRAZAC ZA CIJENU PONUDE

(Tehnička specifikacija)

Naziv ponudjača \_\_\_\_\_

Ponuda br. \_\_\_\_\_

### OBRAZAC ZA CIJENU PONUDE NABAVKA RAČUNARSKE OPREME

R/b	Vrsta robe	EKVIVALENT	kol./kom	Jedinična cijena bez PDV-a	Ukupno bez PDV-a	Ukupno sa PDV-om
1.	<b>Računar</b> CPU: 10-jezgreni, 16-nitni procesor sa osnovnim taktom od 2.5 GHz i turbo boost taktom do 4.7 GHz, 24 MB L3 keša, podrškom za DDR4 i DDR5 memoriju do 4800 MHz, integrisanom grafikom, TDP-om od 65 W, te podrškom za PCIe 4.0, što ga čini odličnim za multitasking,		9			

	<p>gaming u 1080p/1440p, kao i rad u zahtjevnijim aplikacijama poput video montaže i dizajna.</p> <p>RAM: 16GB DDR4 HDD: 512GB SSD, OS: <b>Win11Pro</b>, PCIe, Integrated, Intrusion, Speaker, 2x USB2.0 / Wi-Fi 6 WLAN bežični adapter koji koristi 802.11ax standard za brži, efikasniji i stabilniji prijenos podataka, / HDMI, DP Miš, Tastatura, Garancija: 36 mjeseci Dimenzije: približno 36.8 cm (visina), 17.5 cm (širina) i 37.9 cm (dubina)</p>					
2.	<p><b>Računar</b> CPU: Procesor sa 12 jezgara (8 performansnih i 4 efikasna) i 20 niti, osnovnim taktom od 2.1 GHz i turbo boost taktom do 4.9 GHz, 25 MB L3 keša, podrškom za DDR4 i DDR5 memoriju do 4800 MHz, PCIe 4.0, integrisanom grafikom i TDP-om od 25 W. RAM: 16GB DDR4 HDD: 512GB SSD, OS: <b>Win11Pro</b>, PCIe, Integrated, Intrusion, Speaker, HDMI, VGA Miš, Tastatura, Garancija: 36 mjeseci Dimenzije: približno 36.8 cm (visina), 17.5 cm (širina) i 37.9 cm (dubina).</p>		1			
3.	<p><b>Monitor</b> 23,8 inch, 1920x1080, FHD, VA Antiglare, 16:9, 3000:1, 250 cd/m2, 5ms,</p>		10			

	178/178, DP, VGA, HDMI, Garancija: 36 mjeseci					
4.	<b>Exchange Server Standard 2019 Device CAL (DG7GMGF0F4MB)</b>		<b>10</b>			
5.	<b>Microsoft Office Home and Business 2024 English OEM</b>		<b>10</b>			
<b>UKUPNO BEZ PDV-a</b>						
<b>RABAT</b>						
<b>PDV 17%</b>						
<b>UKUPNO SA PDV-om</b>						

**Opće napomene:**

1. Cijene moraju biti izražene u KM. Za svaku stavku u ponudi mora se navesti cijena različita od nule.
2. Ponuđač je obavezan u ponudi da navede popust ako je isti odobren.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

**Posebne napomene:**

- a) U cijenu stavke uračunata nabavka, isporuka i dostava u mjesto ugovornog organa po zahtjevu korisnika.
- b) Tačan naziv ponuđenog proizvoda: Naziv proizvođača, tip i oznaku ponuđenog proizvoda ponuđač je obavezan dostaviti Katalog ponuđenog predmeta nabavke, sa svim detaljnim karakteristikama ponuđenog predmeta nabavke iz kojeg je vidljivo da ponuđeni predmet nabavke ispunjava postavljene tehničke zahtjeve.
- c) **Izjava** o garanciji za ponuđeni proizvod prema zahtjevu u pogledu garancije za naprijed navedene stavke, te da će garantni list dostaviti prilikom isporuke predmeta nabavke u skladu sa zahtjevima iz R/b 1. Obrasca za cijenu ponude.

**Rok za preuzimanje TD sa portala javnih nabavki mijenja se i glasi: 03. 04.2025. godine.**

**Rok za dostavljanje ponuda mijenja se i glasi: 21. 04.2025. godine do 13 sati.**

**Javno otvaranje ponuda mijenja se i glasi: 21.04.2025. godine u 13 sati i 30 minuta.**

U predmetnoj žalbi postavljen je zahtjev žalitelja po punomoćniku/advokatu Milan Milovanović, advokat iz Bijeljine ul. Gavrića Principa 11/2 za naknadu troškova žalbenog postupka koji se odnosi na naknadu za pokretanje istog u iznosu od 750,00 KM. Ugovorni organ je odlučio da u ovom Rješenju ne odluči o tom zahtjevu, ali je u tački 4. dispozitiva ovog Rješenja naveo da će u roku od sedam dana od dana donošenja ovog Rješenja dostaviti KRŽ-u dokumentaciju radi pokretanja postupka povrata naknade za pokretanje žalbenog postupka, a sve u skladu sa članom 108. stav 7. Zakona o javnim nabavkama BiH.

Odlučujući o naknadi za ostale troškove žalbenog postupka koji se odnose na zastupanje po punomoćniku i to za: za sastav žalbe iznos 675,00 KM, paušalna nagrada u iznosu od 168,75 KM, porez na promet usluga u visini od 10% u iznosu od 84,37 KM, Ugovorni organ je utvrdio da je isti osnovan i odlučio kao u tački 5. dispozitiva ovog Rješenja.

Objavom izmjene tenderske dokumentacije svi potencijalni ponuđači bit će obaviješteni o nastavku postupka za dostavljanje ponuda konkurentskog zahtjeva za dostavljanje ponuda sa namjerom provođenje E-aukcije za robe: nabavku računarske opreme.

Na osnovu izloženog, a u skladu sa člano 100. stav 4. Zakona o javnim nabavkama („Službeni glasnik BiH broj: 39/14 i 59/22“) odlučeno je kao u dispozitivu ovog Rješenja.

### Pouka o pravnom lijeku:

Protiv ovog Rješenja može se izjaviti žalba Uredu za razmatranje žalbi u Mostaru u roku od 10 (deset) dana od dana prijema Rješenja, putem Općinskog suda u Tešnju, Krndija bb, 74260 Tešanj,  
Žalba se podnosi u tri primjerka.

Dostaviti:

- Punomoćniku žalitelja
- Ponuđačima
- U spis
- a/a

